

通州志

通州志卷之八

人物志 凡目九

潞陽溇陰之間鮮阜多澤而鍾爲知仁山水並樂徒以慷  
慨激烈概之淺矣自漢迄今代有奇傑功德被於生民忠  
孝孚於家國與夫碩彥通儒後先濟美何其盛也矧婦女  
咸知大義金石之節百折不回誰謂巾幗無丈夫氣耶至  
方伎仙釋流寓諸賢凡託此邦者皆得以次相附云志人  
物

鄉賢

忠烈

孝義

耆英

文學

伎術

仙釋

流寓

列女

鄉賢灑邑併入  
以年代序

後漢

陽球字方正漁陽泉州人

灑本漢  
泉州地

性嚴厲好申韓之學初

舉孝廉補尚書侍郎其章奏處議常爲臺閣所崇信出

爲高唐令以嚴苛被劾後三府上球有辨姦才拜九江

太守遷平原相尋拜尚書令時中常侍王甫曹節等姦

虐弄權扇動外內球常拊髀發憤曰若陽球作司隸此

曹子安得容乎光和二年遷爲司隸校尉奏收甫父子

及太尉段熲等送洛陽獄球自按驗甫父子悉死杖下

熲亦自殺乃僵磔甫屍於夏城門大署榜曰賊臣王甫

後帝從曹節言徙球為衛尉終以節誣收送洛陽獄誅

死按陽球力除強姦厭快眾憤雖史入酷吏而不掩其功舊志傳太略今考後漢書增正○舊志陽作楊誤

三國

田豫漁陽雍奴人仕魏自弋陽太守遷南陽盜賊屏迹郡

內肅清徵為衛尉屢辭不聽曰年七十而居位譬猶鐘

鳴漏盡夜行不休也固以疾辭州舉人劉錫信考云兩

為縣見漢書後漢書晉書至北魏太平真君七年并泉

州入雍奴見魏書唐天寶初雍奴更名武清見新唐書

今鄴縣不過泉州故地一隅以前代泉州人屬鄴尚可

北魏

若因泉州并入雍奴遂以雍奴人屬鄴殊失限斷且田

豫為三國時人時泉州尚未并入雍奴則豫自為雍奴

人與泉無涉○按此係舊志之誤今仍存之以益考證

高閻字閻士漁陽雍奴人少時爲崔浩所器重遂知名自  
中書侍郎爲中書令給事中凡詔令碑銘贊頌之類皆  
出其手高允以閻文章富逸舉以自代時稱二高州舉人劉  
錫信考云魏書高閻傳眞君九年徵爲中書博士是時  
泉州入雍奴僅二載耳閻果爲泉人傳未有不載者可  
知閻自爲雍奴人與泉無涉○  
按此亦舊志之誤今仍存之

唐

吳少誠幽州潞人以世廕爲諸王府戶曹參軍事客荆南  
節度使庾準器之畱爲牙門將從入朝道襄陽度梁崇  
義必叛密畫計將獻天子而李希烈以其事聞有詔嘉  
美擢封通義郡王崇義反希烈以少誠爲前鋒事平賜

實封戶五千希烈叛及死推陳仙奇主後務既又殺之  
 眾乃共推少誠德宗因授申光蔡等州節度觀察畱後  
 少誠為治能減損完軍實自希烈以來申蔡人劫於苛  
 法而忘所歸及耆長既物故則壯者習見暴掠恬於搏  
 鬪地少馬乘驟以戰號驟子軍尤悍銳甲皆畫雷公星  
 文貞元五年進拜節度使獲罪削官爵後赦免盡還其  
 官爵順宗即位進同中書門下平章事檢校司空徙封  
 濮陽郡王元和四年死贈司徒舊志失載今從唐書藩  
 鎮傳中採入○按少誠  
 雖以藩鎮得罪旋因自新赦免復爵且既為路人  
 則官爵始末自不容沒故節登史傳以益考據

遼

郭世珍灤陰人景宗時爲太尉司徒統和六年承天太后  
侵宋俘獲甚眾師次范陽世珍言降卒皆有父母妻子  
不無懷土之情驅而之北終不爲用願放歸鄉國太后  
嘉納縱者數萬人祀鄉賢

金

馬諷字良弼灤陰人金初以燕與宋諷游學汴梁登宋宣  
和六年進士宗翰克汴京諷歸金復登進士調蔚州廣  
靈丞遷雄州歸信令境有河曰八尺口每秋潦漲溢害  
民田諷視地高下疏決之患遂息召爲尙書省令史除  
獻州刺史天德初改益州民有告謀不軌者株連數十



百人諷察其無狀究告者具伏其誣眾咸泣再遷南京  
副畱守歷大理卿刑部尙書改忠順軍節度使致仕卒

祀鄉賢

攷金史  
增正

賈少冲字若虛通州人家貧力學日誦數百千言嘗道中  
獲遺金歸其主甫冠代叔從軍行伍閒未嘗釋卷登天  
眷二年進士調營州軍事判官遷安定令時蔚州刺史  
恃貴不法屬吏畏之少冲守正不阿大定二年調御史  
臺典事累遷刑部郎中決獄北京奏誅首惡釋株連者  
全活凡千人嘗執奏刑名甚堅既退上謂侍臣曰少冲  
居下位有守如此十四年以祕書少監使於宋時宋方

有所請上以意諭少冲少冲對曰臣有死無辱宋人別致珍異拒不受使還世宗嘉之遷右諫議大夫歷順天軍節度使屢請致仕不許少冲外柔內剛立朝能從容進諫性簡易言不及利嘗教諸子曰蔭所以庇身管庫不可爲也聞者尙之祀鄉賢

考金史增正○舊志此誤列馬惠迪後以下敘次錯雜甚多今按科分悉行更正

張亨字彥通灤陰人登皇統六年進士調樊山丞以廉幹聞授宏州軍事判官累遷尙書左司郎中授戶部侍郎移吏部擢中都路都轉運使以事被劾起授戶部尙書世宗問宰臣曰御史中丞馬惠迪與張亨人才孰優平

章政事張汝霖以亨吏才極高對時車駕東巡欲輦錢以支費用亨謂上京距都四千里若輓錢而行是率三致一也請行會便法息轉輸之勞而用自足出爲絳陽軍節度使章宗初爲河東南北路提刑使兼勸農採訪使察利病條十三事以聞上嘉納之亨每事存大體略苛細御史劾其寬緩不事事降授蔡州防禦使遷南京路轉運使轉知歸德府事致仕泰和二年卒年七十八亨才識強敏明達吏事故始終可稱云

考金史  
增正

馬惠迪字吉甫灤陰人登天德三年進士調昌邑令察廉第一補尙書省令史大定中爲西京畱守判官以治最

擢同知崇義軍節度事累遷左司郎中世宗愛其明敏嘗謂宰臣曰人之聰明多失於浮銜若惠迪聰明而樸實甚可善也朕嘗與論事五品以下朝官罕有及者超授御史中丞拜參知政事嘗諫世宗討烏底改曰得其人不可用有其地不可居恐不足勞聖慮後爲昭義軍

節度使歷南京畱守致仕卒祀鄉賢

考金史增正

賈益字損之少沖子少穎悟大定十四年父少沖充宋主生日副使益待行時宋人嘗爭起立接受國書之禮少沖問益曰萬一宋人欲變禮奈何益曰守死無辱可謂使矣少沖大奇之登大定十九年進士調河津主簿以

父憂去官察廉起復礬山令累官至吏部尙書有疾改

安國軍節度使調民夫繕修城郭為戰守備按察司止

之不聽曰治城守臣事也按察無預既而兵至以有備

解去改橫海定國軍節度使道阻不赴貞祐二年召為

太常卿上防秋十三事論遷河北軍民不便不報次年

致仕元光元年卒考金史增正○金史作元光九年卒元光只二年史似誤元為九耳

崔禮鄴人仕金為四鄉教諭金亡隱居鄴東南小安村構

園亭植花卉閉戶自娛元丞相兀都台及帖古迭兒嘉

其高節數過訪復以金鐘駟馬聘之終不出祀鄉賢舊志

載村中舊有石刻剝落不存今園亭遺址俱無考

元

郭汝梅字和卿太尉世珍元孫金正祐初灤城陷汝梅年七歲父琪母劉攜禱火神廟及灤河力不能負欲棄之遇赤犢乘渡得免年十八縣民公舉攝行縣事耶律丞相知其才奏充燕京都稅司以幹濟稱尋令子翰襲三年平章阿合馬薦起再任稅所官蒞事後創驛舍百餘楹民得不擾獄分男女凡行宮應給差徭先期告備懲兇暴捕盜賊禁倡優與齊民雜處及市民爭詈歲不再易風俗臻善益戶萬二千餘進昭勇大將軍總管中都路兼尹大興數引見奏對稱旨中統五年卒元學士王

諤撰墓碑載藝文志初灤陰地窪民被水患汝梅出家  
貲立新莊七所於高敞地分處里人給貧者牛種不責  
償創新河天津橋以濟行人鄉人咸感其德祀鄉賢

張礎字可用其先渤海人金末會祖琛徙燕之通州祖伯  
達從忽都忽那顏略地燕薊金守其蒲察斤以城降忽  
都忽承制以伯達爲通州節度判官遂知通州父範爲  
眞定勸農官因家焉礎業儒丙辰歲平章廉希憲薦於  
世祖潛邸時眞定爲諸王阿里不哥分地阿里不哥以  
礎不附己銜之遣使言於世祖曰張礎我分地中人當  
以歸我世祖命使者復曰兄弟至親寧有彼此之間且

我方有事於宋如礎者實所倚任待天下平定當遣還也己未從世祖伐宋凡徵發軍旅文檄悉出其手中統元年立中書省以礎權左右司事尋出爲彰德路拘樵官復入爲三部員外郎賜金符爲平陽路同知轉運使改知獻州同知東平府事又改知威州有婦人乘驢過市者投下官暗赤之奴引鳴鏑射婦人墜地奴匿暗赤家礎將以其事聞暗赤懼乃出其奴論如法至元十四年立諸道提刑按察司以礎爲江南浙西道提刑按察副使佩金符宣慰司失里貪暴掠良民爲奴礎劾黜之遂安縣民聚眾負險爲亂命礎與同知浙西道宣慰使



劉宣領兵捕之宣即欲進兵礎曰江南新附守吏或失

撫字宜遣人招諭以全眾命宣不可礎曰諭之不來加

誅未晚遂遣人諭之逆黨果自縛請罪礎釋之宣乃歎

服遷嶺南廣西道提刑按察使廣西宣慰使也里脫強

奪民財礎按其罪遷嶺北湖南道提刑按察副使授濱

州路總管不赴拜國子祭酒尋出為安豐路總管三十

一年卒於官年六十三贈昭文館大學士正奉大夫封

清河郡公諡文敏子淑衛輝路推官

按礎曾祖徙通祖知通州父為正定

勸農官遂家正定則礎已非通州人舊志誤節史傳原委今考元史增正仍存其人以益考證

李秉彝字仲常世家大都通州潞縣祖以上皆力田至諱